



Sabtu, 17 Agustus 2024

**Ogen: 2 Samuel 12:26-31**



**IBU KOTA PEMERENTAHEN**



Ibukota negara jadi ikon i bas sada negara. Desken benteng ras pusat kekuasaan. Adi ibukota negara enggo talu ibahan bangsa sideban nta pe la sikap kegeluhenna (semraut) e me si jadi gambaren sada bangsa. Bagenda me i bas renungenta ituriken kerna Daud naluken kota Raba si jadi Ibu Kota Kerajan Amon. Tentuna luar biasa strategi si ibahan Joab gelah Daud me si terberita naluken kota e. Isuruhna Daud nikapken tenterana si tading denga guna nerang kota e. Menang me Daud, ibuatna mahkota i bas takal raja Amon nari siberatna 35 kilo. Ipake Daud mahkota e simbol kemenangenna janah melala denga barang rampasen si iangkutna. Rayat kerajan Amon kerina isuruh erdahin rikutken perintah Daud. Kenca si e kerina mulih ku Jerusalem. Bagenda me ibukota raja Amon enggo italuken, ikuasai me kerajan e. Ertina raja ras pusat pemerintahenna enggo ilumpuhkan e maka ingan ras daerah sideban pe i bas negara e enggo ikuasai. Bage me i bas perayaan wari kemerdekaan negara republik Indonesia. Tanggal 17 Agustus tahun enda temana e me 'Nusantara maju, Indonesia Baru', sinigetken kita maka ibu kota negara Indonesia sisedekah enda i Jakarta pindah ku Kalimantan Timur daerah kabupaten Kutai Kertanegara ras Kabupaten Penajam Paser Utara si igelari Ibu Kota Nusantara (IKN). Enda me jadi simbol negara Indosesia pagin, janah rencana peringeten wari kemerdekaan negara Republik Indonesia ilakoken i je. Arapen arah tema tahun enda maka maju me daerah e seh maka jadi simbol kemajun negara Indonesia arah ibukota si mbaru enda. Tentuna enda labo banci tersehi dikune rayat Indonesia la nggeluh rikutken kemajun alu erjuang ikut mengisi kemerdekaan negaranta si enggo iperjuangkan pendahuluta. Bage me amin banci saja labo kita ringan i ibu kota negara tapi pasti lit ketedehen ate nandangi ingan e si jadi ingan Presiden, selaku kepala negara ngaturken pemerintah.